

四庫全書

集部

欽定四庫全書

集部

宋百家詩存卷三十

詳校官監察御史

臣孫家賢

主事銜

臣徐以坤覆勘

總校官庶吉士

臣

倉聖脉

校對官中書

臣葉

蘭

謄錄監生

臣

王廷璧

欽定四庫全書

宋百家詩存卷三十

嘉善曹庭棟編

雪林刪餘

張至能字季靈建安人博經史工文章一時江湖詩人多與倡和與靜佳朱繼芳居同建安生亦同歲投契尤篤至龍懷寄詩有借箸數同庚是也其詩用意遠而語亦清峭雪林刪餘一卷寶祐三年自為序雪

林其自號云

宿靈巖

樹杪鐘樓出半層
佛前點鼠弄殘燈
五更石上僧猶定
頭滿清霜咳不磨

塞上曲

匣裏干將午夜鳴
碧油幢下夢魂驚
沙場燐火風吹起
半在骷髏眼底明

紫薇閣贈凌丹士

風林葉葉帶新寒已著齋鹽客味酸
兔抱栗眠傳道石
鹿銜花上拜章壇沿崖取水和冰嚼
埽壁題詩當畫看
盡日元房無俗話山鐘敲月上闌干

送鏡山僧遊雪峯

海風迎鐵錫半是險危程故國往來熟
空門宿食清舊
房雲借住蚤路月同行象骨最高處
師令履似平

齊雲寺

雨疎分點下畧約界橫塘接竹通
生水寒蘿補壞墻
宇

塗窓眼黑香染佛衣黃未晚螢先出蕭然兩畫廊

化龍閣

鷓鴣滿畱題屋柱間風吹醉面不知寒漁舟撐出垂楊岸
驚鷺銜魚過別灘

弔蝶

數日偎紅氣力慵化成長夢別春風卻憐蟻為埋香玉
昇入殘花土穴中

寄吳竹洲

野菜生根土亦香寒林晴久漏春陽
山臨古畫開當戶
蝸學新書篆滿牆密竹漸刪嫌礙月
香柑遲摘待經霜
兒童閑取池頭水剗破琉璃綠一方

題白沙驛

霧裏峰頭薄似巾路逢水複誤行人
山泉釀酒力偏重
石鉚煎茶味最真燕不傳家猶教子
梅纔有肉便生仁
枕邊學夢人方悟未到鐘聲夢更頻

贈劉介庵

一心憂道不開眉嬾扣黃扉謁故知有累祇因難棄鶴
無疑何用苦求龜常厨飲食夷齊輩晚筆文章漢魏時
冷笑富家錢塞屋蘭亭誰更有真碑

演雅十章

麒麟盛世出鳳凰覽德至人苟常見之應不指為瑞
欄蛛巧經網林鳩拙營巢孰知拙反勝網壞巢猶牢
雀食野人田燕棲公子堂野情飢亦樂依人難久長
猩猩隕機穿鸚鵡鏤金籠言笑適為累緘默斯保躬

蠶飽辦絲課蜂忙供蜜工役役為人勞衣食還自空
鵲鳴人共憐烏鳴人共嫉祇因聲妍媸何必報凶吉
江鱗行比目沙鴛睡交頸不知山兔寒清夜顧蟾影
飢鷹健搏兔饒鷺勤捕魚各為口腹累不聞有騶虞
犬眠蒼玉地貓臥香綺叢儻無鼠與盜貓犬命亦窮
墨魚黑覆形火螢明照身拙於用顯晦蹤跡徒自陳

馬升庵惠菊苗

稅得鄰東地一方旋栽黃菊待重陽
春晨摘落青莖葉

按作秋花氣味長

東林寺

滿院香風乍熟查
猴孫抱子坐枯槎
頭陀不慣迎賓客
自折芙蓉供釋迦

李梅磧雪夜畱飲

擁爐收案牘市遠隔喧譁
伎唱新填曲童分旋碾茶
花枝承雪重燭焰受風斜
僦屋為官舍更深酒更賒

宿易冲妙道院

松髮經寒亂不梳
夜來風減屋茅疎
吟邊凍指僵如鐵
袖裏枯筇畫雪書

朱柏巖約南歸

忍聞秋管悲猶未
定歸期吟咏窮邊長
艱難老後知
水寒魚上少月
聞雁來遲不作
膏粱夢長令一
劍隨

橫峯感事

石角多情挽布衣
候蟲送響出林微
文章首面趨時好
字學偏旁徇俗非
綠水被風吹作白
密花因雨打教稀

歸鴉路熟知巢近直望松林盡翅飛

餞翁丹山發南浦

鳴鳩語燕近清明柳絮風輕秧水平一帶春流多斷岸
盡緣倒柳當橋行

點史

水草山花各自春閑居常謹坐船身忠言似藥偏醫國
好句如金不療貧王霸興亡難諱史彭殤脩短不由人
感來莫計更深淺祇見蒼頭換燭頻

采蓮曲

荷葉籠頭學道情
花妝那似妾妝清
雙雙頭白猶交頸
翻笑鴛鴦不老成

拋落圓房響釧金
背人細數子藏深
不嫌到手多尖刺
祇怕傷人有苦心

子期臺

拾葉題詩愧不才
袖遮微日上層臺
山僧分我松陰坐
隔岸花香渡水來

武夷山

九折蒼江轉葦航
花間流水自宮商
巖開天綫登無路
殿鏤仙金拜有光
曝背龜從平石上
避人猴向險枝藏
斷橋盡有重紅日
狂欲乘風和魏王

擬韓偓體

一聲烏鵲鷓鴣雙
學調新詞未得腔
拜了夜香郎喚睡
旋收針線背銀缸

題隱者壁

寒著麻衣餒食薇
樂山清興祇琴知
蛛經圓網當中立
蜂徙新廚出外飛
山脊倚天無改日
草根埋雪有青時
莫言鴻燕多相背
去去來來共一機

雨中過陸家園

斜搭鞦韆窻半扃
行人屐送隔牆聲
羣花相倚啼妝面
苦不催晴怨嬾鶯

寓興

日夜江水流下海
水不止孰謂流去者
不是海中水

東日照瓦霜西向界餘白莫言日不到日光來未及
庭前無繁植疎竹附梅坡雖然無巨蔭明月飛來多
草蟲設細網小窳不可見日日朝露中羣白草間現
高風吹秋霜庭前百草死誰知草有根昨夜東風起

晚窓

風約鐘聲落耳根歸鴉點點不成羣前山野燒青烟起
散滿空林作暮雲

寄寶林僧

磨折英雄輩無停日月梭
達人愁夢少明主直言多
藥試單方驗碑評近本譌
吟成無愛者寄與病僧哦

楚節西堂省菊

菊胎綠蕊未曾成
百種叢中半忘名
試檢記花牌字看
春籬醉墨欠分明

古別離

扶上花驄酒半醺
望沈鞭影暗銷魂
離情恐被行人覺
背拂菱花補淚痕

峽口

峽深猶有路泉遠不知源禽學鄉譚語山填野燒痕晚
風樵笛塢春日酒旗邨茅舍人耕罷鳧雛浴水渾

北津

獨立長橋喜近城半欄斜日又催行船過別浦波痕沒
堠立當塗里界明古木雲邊僧住處落花風裏鳥啼聲
青山莫道渾無事自與行人管送迎

晚步寄劉徵齋

縱橫屐齒印蒼苔
夢筆山高翠作堆
日帶晚光歸海去
風傳秋信下天來
竹開小路通螢過
松守空巢待鶴回
蚺窺乾坤還自樂
何須金屋玉樓臺

梅花

欲開

凝成姑射姿幽潔
世所獨春近迫芳
心羞澀破唇玉

半開

五出稍敷露不受
塵目愛鮮鮮著精
神獨於此時最

全開

昨夜東風多花神莫之禦玉立對幽人十分盡情吐

欲謝

垂垂雪中枝暗裏度香遠忽動調羹機黏枝花力軟

半謝

旋隨瓊蕊飛繞我茅屋角結子意漸濃豈為羌管落

全謝

冰花不畱丁收香盡藏白一朝作陳人遜與桃李出

端平集

周弼字伯弼汝陽人文璞子自幼博聞強記有俊聲
嘉定間登進士曾令江夏歷官吳楚江漢間垂四十
年名譽騰著有端平集二十卷自為校刊荷澤李龔
又選而序之題曰端平詩雋稱其生平心不下人朱
繼芳有挽詞云醉語驚天地狂歌哭鬼神可以想其
氣宇矣

韜光菴

谷鳥與我言怨殺白太傅借問何以然攜却山僧去山
僧未去時前盤一尾蛇後踞一頭虎吸雲嘯風遶窻戶
山僧已去了鶴來踏翻藤猿到拗折樹亂篠枯柴塞行
路抑將廬於高高之陽溫洛之澣諸天散花復呵護抑
將慕羶逐臭亡魂喪魄委枯骸於北邙之狐兔荒臺兮
尚存破屋兮如故惟有山僧不知處世間萬事誰始終
極目寒江起煙霧

吳山仁王寺

山寺憑高夕未昏
上皇曾此定乾坤
甌閩散驛緣江島
龕赭收潮入海門
細雨亂花唐輦道
涼烟疎柳漢營屯
何時汴水東流畔
君返宸居臣故園

送客

欲知行遠近
細數杜鵑聲
暗入蒼山去
千聞是一程

庾樓

欲望江山夜轉冥
胡牀曾此對嘉賓
傷心皓月長流水
回首清風不見人
花落雉樓橫角暮
草生鷗渚破船春

歸程豈暇頻登覽分付羈愁與白蘋

金壇觀

金壇淙僻觀鐘磬少人聞山果猿偷墮庭沙鹿臥分木
高猶帶雪石冷不生雲正熬黃連炷相從拜老君

晚登黃鶴樓

戚戚登臨地淒淒欲暮天相看數株柳不聽一聲蟬山
冷雲生絮江空月上弦無緣捨塵事閑對白鷗眠

施潭

歸程風強阻春色有如無上水千帆健中流一砥孤雨
衝尋屋燕雲背立檣烏盡說明朝順江行舊有圖

回山僧書就題書尾

憶昔同行題落葉寺前枯樹鵲巢邊不知今度苔枝上
多少秋蟲已化蟬

逢僧文禮

空山落日又逢僧雨雜塵灰滿帽紋但憶來時門不掩
麝香偷臥石牀雲

題豫章臺

何日遺踪錄斷岡更誰曾望舊臺荒百年南渡頻秋雨
一片西山幾夕陽石礙老松敲徑險岸隨乾葦出江長
斗間可是無佳氣又見飛烏繞去檣

題滕王閣

高閣巍峩接水濱興亡纔問便傷神鳴鑾東閣知何處
跨鶴西山別有人柳映落霞江渚暮草鋪斜日野田春
羣鷗亦厭多悲感偏與忘機客最親

秋夜

山門半掩浮雲闕
古道入稀芳草歇
夜深零露滴秋香
幽人獨步青蘿月

山行

盡日羣山裏
知行第幾重
竹深春寺磬灘急
午溪春殘
旭猶雙塔晴雲祇半峰
豈無仙隱者
恨不少從容

野橋

日暮野橋邊
都歸醉客船
數竿沙際日
一片水中天
影

落衝煙鳥聲移帶雨蟬殆非人境得江月又初圓

湘東苑

湘東王好開芳甸亭臺環繞朱欄遍就中應教誰最多
庾信江淹日懽宴七十里園高木柵花柳燒殘少顏色
取次華林建鄴邊奚不移歸帝王宅曾經行處蘋蕪漫
賴此名存悉歆羨安知飛來不是舊時鶯舞去都非昔
年燕風擘殘桃過短牆更無人管任斜陽惜春猶有傷
心者認作徐孺半面妝

寄雲泉僧永頤

書來祇說住高峰不記松林第幾重
欲掄青巒問茅舍秋山一樣白雲封

贈從古上人

山僧袖出新詩卷字字馨香撲人面
清晨何處展看來卷得梅花兩三片

野廟

野廟荒蕪倒掩扉寂寥香火客來稀
年年歸燕相看覩

空滴春泥損畫衣

同李雪林飲山邨

本來無飲興偶此到溪灘
屋角懸雙鉢船頭繫一竿
塔高風便響橋峻雨隨乾
莫怕城門閉行歸亦不難

送惟德上人還龜溪

為愛林間寺幽閑少是非
因拋筆門業來看稻田衣
石巖穿雲細山蔬膩雨肥
禪居安穩後更莫啟柴扉

贈唐棲寺僧

山門寂寞唐樓寺別去閑居又一年
草暗暮田羣雁遠
花明春院一僧禪
雲房夕磬浮清雨水殿寒燈宿細煙
作得詩成無寄處幾回遙認隔江船

連珠

遠望披裘日幾回
可堪江上暮寒催
雲飛曠野迎風斷
雪灑長灘夾雨來
馬踏野橋嘶破板
鳥迷邨路立高桅
暫須移向疎籬泊
遷客驚春一樹梅

行吟

獨行沙岸不相攜，準擬沿溪更渡溪。
藥蔓交加蟲上下，柳花撩亂蝶高低。
杖頭曉伴春雲石，屐齒晴翻夜雨泥。
詩就隨時為人寫，等閑抽盡錦中題。

櫻桃花

櫻桃未開花，遶枝櫻桃已開紅。
滿溪花開幾朝今，始見人折人攀。
那得知黃鸝飛來問誰主，對面相看隔牆語。
今日銷魂事可明，昨夜東風過雲雨。

豐年行

長田一畝三石收，截茅作囷遮水牛。
馴鷄塞籠羸牢滿，大兒有親女上頭。
里胥關門罷輪送，晴鳥窺檐鼠沿棟。
瓦盆瓷缶息老身，還將孫子看迎神。
廟前擘紙青竹爆，餠糕粉魚夜祠竈。

甲申歲解官歸故居有以書相問者

近憑筇竹杖，處處作生涯。
獨采傍溪藥，自看臨水花。
愛雲因北望，對日任西斜。
惟有雙蝴蝶，相隨直到家。

送惠嵩上人住西山蘭若

孤雲無定迹又入亂山居既息禪機穩從教世網疎曉
香蟲屋像寒咒石潭魚待我尋詩境看君坐隱廬

秀野

小作幽閑傍宅開祇須數畝占樓臺石移林屋秋雲至
水帶松江暮雨來徑草散香迎過屐砌花分影蔭流杯
人家園圃應無數不似君能日幾回

孫伯符墓下

木葉蕭蕭墓草長夢魂曾斷九回腸空聞絳帕離漳水

誰見黃旗入洛陽
鴉噪暮園江阪迴
龍盤春戍石城荒
赤烏不識桑田變
猶自悽悽守白楊

天津橋

嫋嫋朱欄倚細波
綠雲相對閼闌栽
中天車駕曾擒敵
何日樓船定入河
霽柳午陰隨岸遠
露桃春色過牆多
黃旗適應東南運
已辨簫鐃幾曲歌

雨花臺

細蘚柔莎鎖舊堆
昔年曾見異僧回
如何天上飛靈雨

不為人間洗劫灰江接潮頭諸脈應地連岡勢一支來
祇今不假虛無事別是春風歌舞臺

鳳凰臺

一徑逶迤草自芳何為不復更翱翔應須舊國還宣武
別有高臺在建章白鷺背花尋塔路赤烏衝柳集宮牆
中興不比偏安事且對梧桐薦羽觴

烏衣巷

日落憑欄感慨頻長干橋畔冷殘春桑田蕪沒徒多事

蘭玉叢生更幾人
風暖影翻花外燕
雨多痕蝕草間麟
堪嗟羣從成功後
不及鍾山一尉神

石頭城

點點凝煙望未收
六朝遺蹟遍荒邱
自從絳闕雄江面
誰把朱泥染石頭
岡斷曉榛雙阜虎
岸長春草一灘鷗
諸公多少新亭恨
不是知心莫上樓

真孃墓

青鳥傳書渡海遲
亂山衰草葬蛾眉
錦囊消歇餘香在

狼藉春風豆蔻枝

顯應觀桃花

白雲隨鶴乘將去
深碧桃花落故宮
三十六簧明月夜
不知何處吸春風

四聖觀

小園寬占一山孤
別有牆遮古觀居
到了恩波攔不住
水窻游出放生魚

病起幽園檢校

病起無情緒池邊日幾回
蟲聲低覆草螺殼細生苔
暑退蘆將變秋殘蓼續開
久消環繞迹全若未嘗來

雙林寺

杳杳雙林路林深不易登
寺幽憐宿鳥地僻喜閒僧
靜撤垂梁板寒銷背壁燈
水邊人忽笑猿落過溪藤

送僧歸舊隱

自言歸去後祇在故山邊
紗帽臨溪盥銅瓶傍水晝
閑松塔雨春盡草堂煙
何故相拋捨浮沈逐世緣

水清堂偶成

數杯恬澹酒相就等閑傾得失徒多感行藏任獨清
畫閑風有味春盡雨無聲但惜新栽柳相呼欠一鶯

秋日馬上

本無謀畧強譚兵每愧臨邊病未能筋力豈知猶可喜
一鞍千里到江陵

岳陽樓

憑高望盡寂寥天與我閑情共渺然平展暮雲三百里

積停春水二千年沙洲橫渡荆江雨石塔遙分岳麓烟
先我未聞飛劒術想須今度遇回仙

西湖竹閣寺

精舍蕭疎近水涼分明一徑綠沈槍就移山近湖皆隱
放出樓高寺倒藏春透露梢齊曲檻曉翻風籜過脩牆
長隄花盡人稀少來聽蟬聲伴夕陽

將適毘陵道中遇居簡上人

姑蘓觀下逢居簡帽子敲斜衣嬾散自言契濶漫東西

雖老猶能青白眼知音不在禪牀久抱刺懷書謹奔走
反舌無聲亂草閑回首盡成獅子吼荒蕪野寺孤城外
赤葉黃蘆日相對午睡雙鳩喚欲醉起傍生臺炙肩背
弄筆濡毫總蕭索尚餘酒量添於昨語盡橫塘笛未終
東風滿面楊花落忽忽解纜攬程去從此相期更何處
一盃官酤般若湯把手同看獨孤樹

吳門送同行者之毘陵

布帆何處定逢春身是歸人又送君明日隔城回首望

冷花寒葉滿秋雲

西湖初夏

花飛春減綠陰成
不住風光繞禁城
山寺曉晴蟬欲噪
柳林猶啞數聲鶯

送曲江友人南歸

憐君歸橐路迢迢
到得茅齋轉寂寥
應歎藥欄經雨爛
土肥抽盡縮砂苗

酬李達可

歸心終自遂何必戀虛聲轉覺青衫惡誰憐白髮生
埽花山石瘦洗藥野泉清應有忘機者時來伴我行

寄鶴林智福上人

淙山高頂寺黃鶴舊曾畱鶴去無踪跡山僧幾白頭
烏閑齋鼓靜猿嘯佛燈幽宿約何時踐題詩向瀑流

夜淙

虛堂人靜不聞更獨坐書齋對夜燈門外不知春雪霽
半峰殘月一溪冰

南樓懷古

昔人有意久經營極望寒蕪遠更平
三國旆旌羣鵲散
六朝樓閣一鳩鳴
雪消晴嶂沈孤壘
風打寒潮入廢城
多少怨魂銷不盡
草根燒斷又還生

茫茫迂曲度平川
何處孤邨近水邊
煙護劉琮殘壁壘
雨沈黃祖舊樓船
寒沙細擁菰蘆地
破隴斜耕苜蓿田
見說去年秋潦後
更無茅屋起炊烟

夕陽光退杳難憑
欲問江鷗祇怨憎
得意舉帆燒北岸

傷心流涕鎖西陵
雪消蜀貨千檣下
風順吳鹽萬斛增
且趁一尊相暖熱
是非乘醉莫來登

馬要寺

水國何年寺蕭條
野渡邊僧驅田雀
倦神抱海犀眠細
網垂秋屋殘燈泊
暝船數家枯柳下
猶有舊人煙

鄱陽湖

鄱陽湖浸東南境
有人曾量三十六
萬頃我昔乘查渤
澥間渺視天溟坎
蛙井浪何為而起
於青雲之底日何

為而辟於泥沙之裏太極初分一物無天水相包若雞
子揚瀾可供李白青州杓彭蠡付與盧敖洗龜殼斗大
孤山沒處藏斲取來揜鼎鏑脚胸中八九吞雲夢似此
蹄涔亦可用安得快意大荒之東東復東指麾魚鼈騎
蒼龍

野賽

客心懷避忌地險自多神楓葉藏山魅松根抱石人鶻
翻蒼黑翅魚曝赤斑鱗未必知風候惟聞酌酒頻

山居春晚

索居牢落動關心，但覺怱怱歲月侵。
無夢不因憐晝靜，有懷多是惜春深。
草香穉蝶銷胡粉，花落蠻鶯變楚金。
最是不禁芳樹色，能消幾日又成陰。

庭下枯梅有感

庭下同栽兩樹梅，一株搖落一株開。
無緣春色相虧曲，有分晴光亦往來。
雪打枯枝愁漢驛，雨翻雕甍夢荆臺。
倚窻不斷橫斜影，猶有東風管碧苔。

題僧子溫畫水墨葡萄

嫋嫋多應半熟時
敲斜高挂冷攢枝
分明記得山窗下
一架寒藤帶雨垂

題逸人壁

淙僻人稀到天然
野意成衿衝崩岸
出草入廢泉生曝
木克山貨抽茶當地
征未須尋伴侶時
有自來鶯

送僧妙通遊平江萬壽

故鄉離幾日何處
躡秋陵梵葉牀頭
樹唐衣壁面僧雨

花黏舊錫風簾埽寒簷新偈期相寄呵彈破小乘

收家信

渺渺秋風生白波故鄉歸夢隔山河可憐一紙平安信
不及衡陽雁字多

酬杜八同宿西山蘭若

西山龍井路俱有舊行踪待得城中暇重期石上逢冷
霜黏破屐落月帶殘鐘擬踐相鄰約煩君買一峰

菩提廢寺

野寺孤僧住當春亦掩扉曉鐘三板去昏杵一盂歸古
屋垂山榷幽窓養石葦未容行客憩荒樹雨鳩飛

贈雪林李和甫

忽地相逢便解顏況兼終日看青山精神摘柳哦詩際
標度尋梅集句間春澹野橋孤艇遠暮寒溪寺一鐘閑
忽忽又作經旬別兩處東風各閉關

道中有感

遠程已過經行處別有逶迤古道存寺已寂寥猶有殿

水纔窮盡又逢邨一林枯木人分路十里飛花客過門
畢竟悉依生處樂不知何事別家園

天申宮蘓文忠畫像

大澤霑荒裔靈山識老臣微茫雲外跡哀病瘴中身
草寒碑夕晴花午殿春高檐風雨斷猶避六丁神

誓節渡

髣髴經行地還尋古渡邊山禽多白練溪藥間黃連
漠漠將晴雨迢迢欲暝煙恍然驚夢醒二十有三年

白羊

路隔一重溪山深客易危驛亭惟有額官堦盡無碑竹
挂黃身虺林香白面狸得船爭欲渡先奔槿花籬

菰菜

江邊野灘多老菰抽心作穗秋滿湖拂開細穀芒敷舒
中有一米連三稔剖之粒粒皆尖小整齊遠過占城稻
不煩舂簸即晨炊更勝青精顏色好尋常艱得此欣逢
默計五升當百業雨多水長倍加益十里定收三百鍾

野人獲之亦自足何用虛靡太倉粟連日秋風思故鄉
況復家田有茅屋墜網重顛鱸已鮮蓴絲牽葉又流連
急歸收穫蘋溪畔細撥蘆花撐釣船

聞友人過吳

詩囊挂在船蓬上吟過江楓落葉中為恐吳牋題不盡
秋風先染數堆紅

彩雲橋

斷橋流水兩無期殘日輕雲處處疑乞與行人自酤酒

滿旗風雨豆花籬

春暮登黃鶴樓

欲盡殘春酒登臨事已違
聽殘懷舊笛添盡禦寒衣
烏向青山没人來赤壁稀
最憐城側樹無可作花飛

送人之漠上

木落千山怨別離
自知難駐馬行蹄上書
季子窮歸洛
獻賦荀卿老向齊
驛店破旗秋雨細
戍樓殘角夕陽低
袖藏秘策君門遠
應望中原泣鼓鼙

龍井道中雜記

白髮宮人頻笑謔羅衣昔對君王著夜驚春雨洗桃花
夢魂猶挂秋千索

老僧病久聲嘶喝屢說紫衣勝短褐莫嫌兩手漸拘攣
曾把御前供奉鉞

吳王試劍石

吳王鑄劍成自謂古難比試之高山巔石裂斷橫理那
無昔時人相逢干將里故宮宮中白日長春風野田百

草香有誰慷慨不平事披褐踏花推酒缸

為僧曇芳賦草堂

把詩從我者多是剡中僧結屋何山塢當門幾樹藤地
寒常帶雪溪淺不畱冰贈爾新吟去歸題木葉層

江皋送別

把酒對汀洲相看發去舟迎風一分手驚浪幾翻頭燭
暗花消淚楓寒葉弄愁恐猶回首望終夕憑高樓

送胡宗原還台山

故里杉松表歸程筍蕤初杯多常失飯囊罄祇畱書海
墨收春葉山糧拾禹餘古來仙隱者多在赤城居

山崦蚤梅

晴逼寒筓春滿鄰漢奩芳額漸輕勻東風未放全消意
雨萼愁香不見人

煙波亭避暑

澄江橫匹練月洗黃羅扇卷盡白雲衣常星擦沙見天
低欲就人夜色凝淙澱歛吸動微光時緝斗間線涼亭

逼曠野軒楹敞三面萬象悉鋪陳隨機互遷變十歲逃
虛空得此方一遍相對坐譚元終宵亦無倦祇恐駸駸
催曉箭湧上東方老銅片須著千求天帝君莫使陽烏
眼睛轉

題葛稚川移家圖

稚川移家入空谷手招白雲守茅屋惟恐人窺鍊藥爐
鑠斷青巒瀉垂瀑祇畱一徑通飛鳥其間想透三仙島
野童猶摘鳳文梨邨老閑鉏燕胎草人將外物為真物

反笑山樓哀草窟玉白丹成兔欲眠
虹蜺黃蒿幾攢骨
此去世間應不遠尚存猶可分苔蘚
兩幅生綃若可憑
先寄胡麻與雞犬

千金寺

十載他鄉別春歸逐浪層晚晴沙市鼓
夜雨石橋燈帆
仄摧乾葦衣寒脆薄繒舊時來往寺惆
悵不逢僧

畱別唐樓雲泉上人

水宿唐樓寺何緣更決旬千山今日路
三歲異鄉人小

殿眠身佛空廊折臂神歸時重作禮又拂一番塵

荻巷

波眼汙汙浪復輕稍甦羈束過清明倩人覓路先尋酒
久客懷鄉始見錫松下紫芽肥野菜竹間青葉帶山櫻
自從一別齊安後直到今朝始聽鶯

春陽驛

悄悄如秋麥氣涼山風吹透濕衣裳小爐淡幌枯松火
一夜寒香繞客牀

天章寺前小樓

客懷依古寺，曲水茂林邊。
俯聽澗鳴石，靜看山出煙。
傍花清晚漱，對竹冷春眠。
羨溪僧樂幽居，動歲年。

送遷客

自謂別離難，會面如何此。
地又相尋往來，雲物他鄉意。
輕薄風塵久，客心夜雨泥塗。
三里郭，夕陽煙火數家林。
送君好去，加餐飯，莫聽哀猿徹曉吟。

春濃曲

雨膏蒸土蘭芽熟粉魂澹艷凝細纈柳條無力受東風
桃葉春江弄花月枕函墜髮昏眠重綺帳驚寒替花恐
屏瑣蟲棲化粉蛾簾甲蜂鑽抱殘蛹麥門冬長桑椹結
桐輪輾盡堂梨雪門掩車箱銅鉸閑瓶敲井榦青絲絕
君不見楚王宮中樂酣晏嫌怕旁人說春晚玉釵埋遍
細腰人章華臺上蒼苔滿

陸羽泉

擬酌松根泉先酬松下土甌犧副都監拾薪自煎煮一

杯復一杯併酌連四五寄謝山中人腹痛不累汝

野望

春日晚荒荒平沙極渺茫樓鼓三匝水城臥數條岡白
草吳京甸黃桑楚戰場長江俱不問一片瀉斜陽

送黃同甫

人生各有安出易欲歸難古道春泥重孤城暮雪寒酒
鋒精似將詩案遠於官野穀如堪飽從君借鶻冠

送人之京口

競攜書劍去紛紛誰解登臨對日曛
北道荆蕪一江下南朝徐兗二州分
高樓角曉鳴秋雨遠戍烽寒起暮雲
莫把尋常望瓜步恐驚邊雁不堪聞

冬賽行

大巫舞袍奉酒尊小巫瀟裙進盤蔬
野風吹樹龍馬歸瓦爐柏根香滿地
白衣老鬢撚向前叉手大膽不敢言
去年田家五分熟更饒三分百事足
大繭千棚絲滿窠栗犢兩握角出肉
土臺澆酒再拜辭紙錢灰撲遶木枝

神語順從杯玦吉鼓笛薨薨打三日

留題唐棲寺

僧房十日相留戀為怯生寒未到家
插岸斷冰妨蕩槳入檐飛雪助煎茶
香臺空碎逃秋蟻古殿巢翻失暮鴉
惟有溪梅最禁耐傍籬爭發向陽花

送白判官

著書不就便相拋遠向襄州謁故交
里舍千頭無舊橘客程三脊有荒茅
邨渡捐孤劍沽酒山城解敝袍

雙鬢豈堪禁歲月眼看歸鳥又成巢

中和節

時節匆忙過隙駒
可堪岑寂就船居
不禁衰病慵耽酒
無益閑交嬾報書
風暖暮田歸海燕
雨甜春水上潮魚
客中自是光陰速
纔見新正又月初

寓宿黃觀復書堂晨至海棠花下走筆呈蘓召叟

春風忽來花滿樹
海棠最多繞欄吐
客愁纔動不復安

兩脚春泥踏春雨高枝背面辭曉暄低枝溼透渾未乾
臙脂深重粉亦殷顏色滑膩脂肉寒五雲忽卷晨妝畢
曉來姿態俱已失悔不敲門請君出喫酒忍飢看半日
疾呼杯酌傾已遲但驚野雪埽還飛可能就賜醉眠者
爛嚼落花聽鳥啼

齊安蚤眺

陰陰城壘靜極望不飛塵草色橫江暮鶯聲出塞春清
時應洗甲來歲又逢辛惆悵經過處都非往昔人

靈竺寺

不因純孝者古寺若為安
壁米蝸遊遍爐香鼠踏殘鐘
聲嘶破挺旛影颯危竿尚恐
冬生筍時來竹外看

遊道場山遇雨

飄然大作登臨想纔遇名山
雨亦遊林尾亂聲猶聞響
枝頭殘滴未全收濯翻野竹
從教彈衝落巖花放出流
欲把姓名書石上幾回拈筆
又成休

延山渡

解帆登岸作山遊林木茅茨共一邨數日驟寒消不盡
尚餘殘雪護松瘤

大洲湖

人居澤國勝居陵十月陂塘未結冰葦亂菱收拾後
斷筐分曬折腰菱

夏日泛祕湖

朝來泛舟花滿湖亭午返棹風相呼已收波浪入菱芡
晚開雲日媚菰蒲羣飛鼓翼數沙雁一去沒頭雙野鳬

少畱霽色定堪玩可惜歸程時已晡

浣紗秋日五首

衣裳單薄鬢蕭騷獨憑危欄首屢搔
出壁亂雲分片段
隔江飛雨見絲毫
庭前斷續葦爭響
檐外輕便蝶鬪高
多少好山俱在眼
愧無短屐共遊遨

當前灘號西施磧對磧看秋得句清
五色懸門秦一尉
六經充棟漢諸生
石叢細雨團荒砌
野蔓疎金出廢城
目送浣紗人去後
又聞街鼓報新晴

長江澹澹樹疎疎，却閑庭。即故居，蟲入暗牀，頻促織。
螢穿虛壁，屢翻書。破除暮色，惟荒菊，薦送秋華，有嫩蔬。
料得故園分社酒，小苞青橘，四顚鱸。

自慚尸素長多暇，未放秋風變楚顏。一夢別離拋白水，
三年端的守青山。野雞避鵲遮雛去，沙鶻銜魚趁母還。
縱有亂愁消遣盡，澹雲殘日共人閑。

清溪樓閣暮沈沈，不覺登臨。夜欲涼，幾處捲簾催酒留。
誰家閉戶擣衣砧，一朝野霧三朝溼。十日江天，九日陰。

暗喜礙人公事少
自來收拾送秋吟

蚤春

連朝微雪暗消凝
始覺春風逐旋增
今蚤畫檐偏有意
數條吹折曬殘冰

思歸

闌裏看山不識真
偶來軒檻振衣塵
諸峰便覺移相就
分付春風欲去人

點點楊花飛滿洲
祇應催促送行舟
非關向晚傷心事

自怯春寒不肯畱

盡日憑欄客興濃
山雖西繞水還東
便乘春暮家園去
猶及棠梨滿徑風

自覺才疎久願歸
敢將山色便相依
漢家事業雖全勝
亦放梁鴻一箇飛

孫季蕃故居

笑語失詼諧
人誰不愴懷
夢殘秋雨寺魂散
夕陽街缺
竈黏煎藥乾
爐積燎柴風
流何必葬
便擁菊花埋

贈野逸

時康難售賈生醫諫鼓無聲對落暉
又報一年花信了
滿山鶻鴂送春歸

悠悠行路雪侵頭擬出重關洗敝裘
隄上忽逢顛顚客
背花停酒說通州

下渚秋暮

淺灘近渚沙相接水落漁人朝暮涉
撼撼風鳴若雨來
繞隄吹散乾荷葉

落梅

玉樹分明照夕流
粉痕翻為碧苔留
三更枝上玲瓏雨
亂浦寒香一夜愁

出關偶題

一曲長歌浙水寒
綈袍空往又空還
咸陽若有山東志
莫放蘓秦又出關

送友人持節嶺南

吳雲迢遞楚雲鮮
從此南征路幾千
漢使五羊登嶺日

魯經三豕渡河年
榕穿白草飛蠻雨
椒落黃茅起瘴烟
待及戍瓜多載日
定無番貨入歸船

送人之滯上

舊來邊塞自多塵
瘡草寒花強作春
見說連年更悽愴
亂螢隨趁鬼迷人

庸齋小集

沈說字惟肖龍泉人
寧宗時為仁福邑尉
晚年臥病不出營別墅
以居田衣山屐不入
城府故其詩

有云蚤辦山中計吾今省俗緣又云江湖成夢
事投老屬山林有庸齋小集其詩一洗濃厚肥
腴而出以清淺之筆時有雋永句令人尋味不
厭

立秋

昨日午時秋西風夜轉頭吹來溪外雨藏却樹間樓暄
帶棲鴉色涼催客燕愁一尊吟未了衰鬢蚤颼颼

偶成

讀罷黃庭一卷經
磬殘煙冷夜壇清
月明何處人開戶
驚起松梢睡鶴鳴

征途

桂筦三千里
征人一寸心
自從登驛路
幾見換鄉音
古樹春陰薄
寒塘野水深
暝行呼得酒
瓦盃盈不辭斟

暮春

燕翼初乾綠滿池
桑陰收盡麥黃時
一年春事又成夢
幾日愁懷欲廢詩
料理病身嘗藥徧
揩摩睡眼看書遲

脩然獨倚闌干立花下狸奴臥弄兒

紙衾三首

碎擣霜簾月下砧清泉瀉出簾紋勻老翁采藥歸來晚
翦得山南半段雲

繭面新乾帶露揉春回斗帳伴吟愁殘年已便蒙頭過
風雪從教打戍樓

一幅新裁碧澗冰野人畱客宿雲層山房却好松醪熟
夜半無眠話葛藤

春詞

水漲寒溝柳又陰
小窓風度一聲禽
若將離緒縈春事
片片飛花是客心

溪樓

心遠俗塵隔樓高
野興多稻花黃
雀雨山影白鷗波
灘澀推船上橋危
挽客過日斜
闌倚遍無句奈愁何

寄張永堂

浙江風浪闊夢不落
吟邊書到知何日
君歸想隔年才

高朝士重命拙故人憐蚤辦山中計吾今省俗緣

煙浦

煙浦殘鴉舞夕陽風枝病葉似經霜眼中秋色十分淨
沙外寒流一綫長溪女得魚烹碎白田家收穀曬新黃
偶尋野趣歸來晚草際螢飛點點光

渠流

岸石湮黏萍一渠流水清每來疑雨過小立見魚行樹
隔溪敲遠橋分午影平主人契幽事客到出相迎

安石嶺

茅屋雞聲勘夜分
杖藜挑月帶餘曛
不知身在孤峯頂
回首人家盡白雲

次韻永堂

鶯聲未改春葉底
一蟬新幻境
老無夢醉鄉詩有神
整巾因把鏡
嬾語怕逢人
似此衰遲者
勞君料理頻

明融盆池二首

涼入湘潭影半開
小窓午枕夢初回
蕭疎數葉秋菰上

也解聲聲報雨來

老瓦盆深漾細萍雨多流却半辦青夜涼偶出庭心看
缺處光涵三兩星

聽雨

耳根聽不歇滴滴冷於秋疑是山翁醉巖前枕瀑流

晚春

白頭何計是生涯日日尊前臥落花綠滿池塘無一夢
夜來風雨過誰家

食梅

兒時摘青梅葉底尋彈丸所恨襟袖窄不憚煩舌穿我
年不自覺以我齒尚完嘗新試一薦喉棘眉先攢豈味
不悅口豈老難強餐人生煎百憂算梅未為酸

秋詞

雨放涼飈晚復晴小窻人亦共秋清月華網在蛛絲上
錯認疎簾挂水晶

山中秋興

山戶少曾局居貧易得清秋衣和月臥溪茗雜雲烹學
字書紅葉看騷些落英從他頭蚤白心事本和平

別墅

野舍清溪曲連茅接樹陰呼童鄰錯應貫酒婦同斟落
照收殘雨寒烟出寸岑江湖成夢事投老屬山林

竹色

竹色畱清睡薰風晝一簾嬾因人事少病覺老顏添開
檻臨昏鏡齊書補墜籤晚蟬聲欲斷新月到檐邊

曉色

曉色闌干外，條然一欠伸。
雨中無過鳥，煙際有行人。
樹溼青陰重，沙坍潦漲新。
憑誰借蓑笠，整釣傍溪鄰。

遊真巖

一逕入松林，真巖峭莫尋。
山空泉自落，日出地長陰。
鶴去仙臺淨，丹成古井深。
殘碑看未了，屋角轉幽禽。

送周堂長歸慈溪寄何贊府

慈溪隔楚雲，問不接鴻鱗。
因送還鄉客，重懷佐邑人。
海

明看日出山晚倦行春料得雙松下吟成瘦鶴身

超化雲山

入門松作徑步步接秋陰山帶孤城起雲歸故殿深隔池聞鶴唳倚樹看僧吟笑指煎茶處青煙出竹林

釣臺

山東江流起素湍羊裘立盡暮雲寒蚤知釣餌成虛設多却當時一釣竿

西湖獨步

平湖開霽色寒碧照空心小立背橋影緩行隨柳陰幾年勞遠夢到日記曾吟荷蕩成茭地蕭蕭秋意深

送何水竹需次入剡易齋赴浙漕

弟兄聯騎出秋色赴行裝慈水瓜應熟孤山桂又香對牀邨店寂起飯曉燈涼到日分吳越江流兩岸長

南坡不以科目自累而以風雅自鳴請余為賦鳳銜科詔出祥雲底事儒林有逸民四海聲名難著我一坡風月正宜人鏡畱白髮非遮俗家釀黃柑可接春

祇許詩朋自來往素袍青履華陽巾

冬半

歲逢冬欲半心事更迢迢細雨寒窻過孤燈長夜挑
遠書和夢寫新酒帶愁澆明日有幽興尋梅到石橋

露香拾藁

黃大受字德容自號露香居士南豐石門人嘉定間
以詩雄江西秉姿簡重言動舉止俱以禮義自持嘗
遣其子載從烏州李守約學朱子之學後仕於鄞著

政聲露香拾彙淳祐改元翁州應徽序之云徽從令
子載伯厚得誦詩卷許清麗瓌特自成一家而忠孝
慈仁之意備見乎辭沈鬱下位百勿一究抑命也鄭
清之曰露香詩讀之如行澗谷秋空月曉松竹策策
有聲

春日田家

凜寒陵熙春誰為禦其侮酸風吹積雪濃雲灑飛雨農
夫荷耒耜俶載耕斤鹵為其有身累寧免自辛苦妻兒

送中飯凍凌彊欲吐晚歸極困倦倒睡帶泥土朝來天
光開紅紫新媚嫵南園踏青人日暮猶歌舞

二月祭社時相呼過前林磨刀向猪羊穴地安釜鬻老
幼相後先再拜整衣襟釀酒卜瓊琰庶知神靈歆得吉
共稱好足慰今年心祭餘就廣坐不問富與貧所會雖
里閭亦有連親姻持殽相遺獻聊以通殷勤共說天氣
佳晴暖宜蚤春但願雨水勻秋熟還相親酒酣歸路喧
桑柘影在身傾欹半人扶大笑亦大瞋勿謂濁世中而

無義皇民

偶成

巖薇生山巔長不踰蓬蒿松柏生澗底歲久還干霄
稟質自不同托身奚必高

綠草何自來蔓延滿中庭前朝方芟夷茲視忽已盈
竹間幽蘭花數四移乃成

由洞庭入五田

一汀紅糝蓼花天滴滴清寒曉露圓回首洞庭山半點

傷心桂嶺路三千詩魂夜寄青林月漁唱聲回綠樹烟
却笑陶朱不如我我無西子與同船

油口夜飲醉臥一室及覺三鼓矣秋夜新冷雨
溼蟲鳴展轉不能成寐於是浩然有歸志

一榻翛然著醉儂沈沈清夜大槐宮夢回作惡酒氣重
枕上不眠歸興濃點滴落堦添悶雨清哀遠壁訴寒蟲
計行良未成端緒何處高樓撞曉鐘

宿岳陽張漕書堂

雲低風轉冷黯黯起秋陰薄暮細雨過小窓寒氣侵關
山千里夢骨肉十年心病意兼歸意攢眉寫萬金

廉泉

一泓落古寺三赤開方池懷山決瀆後爍石流金時君
看此廉泉不增亦不虧炯炯玉色透燦燦金沙輝竭來
臨古亭石鉞行相隨呼童試春芽活水烹新竒一咽利
喉吻再啜心神怡泠然清風來玉液通華池憶我心地
初與水同一幾心泉本無事何必希夷齊曰泉已彊名

沉復有是非一笑付自然貪廉吾不知

晚步

扇小葛衣輕風清草露平水聲逢石怒煙素近山明喚
犢牛回顧驚人犬倒行耨夫方到屋月已屋頭生

江行萬里圖

雪山西來接海白天之所以限南北誰人胸裏著輿圖
揮斤荆吳入綃墨濃濃淡淡兩岸山煙波瀾茫江面寬
水空漠漠鳥飛絕漸看漸遠天漫漫客舟汴流先後去

風帆飽腹如飛舞有時小艇絕波來不知何處橫江渡
鍾山隱隱開金陵雨花臺前畱玉京汀洲芳處小孤出
垂楊綠引潯陽城蘄黃紫翠照卷雪武昌樓臺半明滅
周郎赤壁杳難憑洞庭寒煙濛孤月西江耿耿沙溜清
三十六灣斜照明黃陵廟淙楚山閣九嶷戍削黏天青
我來展軸驚快覩恍然對面水仙府片時行盡江南天
弔古何勞出門去南巡真人忘却歸軒轅龍去渺難追
咸池曲絕誰奏樂風雨啼痕滿竹枝六朝虎士工設險

蹴踏滄波當揮劍血流不惜惜江流肯放飛埃過天塹
濫觴習聞蕩雍邛楫聲若為空悠悠江聲至今恨不盡
枉白萬古英雄頭兩階干羽享波后八公草木今健否
長安正在碧雲邊斜日西風重回首

即事

路轉橋欹曲陰陰石磴低紫藤蟲碧樹紅葉繡清溪草
露明侵徑秋香暗刺衣前灘水聲好欲趁釣魚磯

蚤作

星光欲沒曉光連霞暈紅浮一角天乾盡小園花上露
日痕恰恰到窻前

歸來

近來多騷客吾哀不可追松間哦魯頌花下看唐詩好
鳥山淙語寒蟬日暮悲此聲良協律新句總堪疑

中秋舟次沙津

去年中秋月照我入桂城今年中秋月送我到江陵桂
林二千八百里城邊買船發春水瀟湘六月寒如冰洞

庭湖中秋氣生峽江西來雪波急片帆帶雨煙中溼朔
雁不來蘆葦秋風林浙瀝生人愁反思前年風露好月
入金尊醉將倒如今飄落千萬山煙波瀰漫幾時還露
香堂中千百甕玉瓶取醉風吹夢今宵絃管鬧繁華燈
火沙頭一萬家爭似詩翁弄江月微吟還自汲江花

鬱孤

臺高日欲曛晚眺眼增明疊嶂羅雲樹雙流抱粉城低
浮煙萬棟清送月三更尚約秋吟夜江聲帶雨聽

公安寓館夜立觀前

脩脩一古觀我到夜何其仙磬吟風殿幽人汲露池星
沈螢聚水月倒兔懸籬四起鐘聲亂凌風欲化肌


秋夜讀書

青燈敞虛堂微風動衣襟兀坐耽陳編起視星河沈古
人豈可見所希見其心終然發永嘆不寐鳴牀琴

昭潭寄內人

不接安書動隔年二千里外極懸懸老親彊健知勤饌

諸子癡頑恐費鞭幸有田園堪卒歲始知詩禮可無錢
客居亦有風流罪長伴梅花對月眠



宋百家詩存卷三十